



# AVIS CHAMPESTER

## Uorden a la populaziun, giasts da vacanzas ed al militar

In basa a l'art. 10 dal uorden champester dal Cumün da Zernez (anteriur) e regardond l'art. 13 dal uorden champester dal anteriur Cumün da Lavin relascha il Cumün da Zernez il seguaint avis:

1. I vain clomà our d'prada seguaintamaing:  
illa fracziun da **Lavin** als **15 avrigl 2024**  
illa fracziun da **Susch** als **22 avrigl 2024**  
illa fracziun da **Zernez** als **29 avrigl 2024**  
illa fracziun da **Brail** als **06 mai 2024**
2. Als peduns nun esa admess da chaminar pella prada oter co sün sendas signalisadas; i nun es admess da parcar o da transir sülla prada cun veiculs da tuot gener.
3. Dürant il temp da vegetaziun esa scumandà da's tratgnair sülla prada e da traversar tala cun **velos, chavals** e cun **veiculs**.
4. Intuorn tuot il cumün sun a disposiziun tualettas da chans (Robidog). La suprastanza intimescha a tuot ils possessurs da chans da far adöver da quista sporta. Impustüt excremains dasper vias da spassegiar ed aint illa prada han da gnir clets sü e gnir büttats aint il prossem deposit.
5. Per l'adöver da las vias da god/champestras valan ils reglamaints cumünals per trafichar cun veiculs a motor sün vias da god e champestras resp. las decisiuns transitorias trattas da la suprastanza cumünala. Causa cha'l trafic cun autos privats sün vias da god e champestras es considerabel appellaina a la populaziun, a noss giasts ed al militar da limitar quel tant sco pussibel ed adattar la sveltezza al stadi da la via (**max. 30 km/h**). Nus giavüschain implü da tralaschar il trafic motorisà tras la prada intuorn cumün cul scopo d'observar la sulvaschina.

Las vias cun scumond vegnan **drividas** regardond la situaziun da naiv e privel da lavinas pel trafic seguaintamaing:

Illas fracziuns da **Lavin** e **Susch** a partir dals **25 marz 2024**

Illas fracziuns da **Zernez** e **Brail** a partir dals **01. avrigl 2024**

**A partir da quistas datas esa permiss da far adöver da la vias da god/champestras cun scumond be cun üna vignetta valabla. Vignettas as po retrar i'l Center Cumünal da Zernez. Müdamaints da quist avis a cuorta vista, vegnan publichats sül sistem digital dal Cumün da Zernez.**

**Impustüt d'ürant il mais avrigl giavüschaina da resguardar la situaziun dal stadi da vias (plövgia e naiv) e da na trafichar las vias champestras cun veiculs pesants.**

6. Pavel na plü adattà pel muvel (silo, fain eui.) nu das-cha gnir deposità süllas parcelas in ed our'd cumün pel scopo da pavelar la sulvaschina. Tal pavel sto gnir allontanà sün üna deponia ufficiala adattada per quist scopo obain pro l'implant da biogas da Filipp Grass a Zernez.
7. Ils fils da las saivs moviblas (electricas, fils, eui.) pericliteschan sur inviern la sulvaschina. Perquai sun d'allontanar tuot las saivs da quel gener adüna fin la mità dal mais november.
8. Cuntravenziuns a quist reglamaint vegnan sancziunadas cun multas fin chf 5'000. Eventuals dons van plainamaing a charg dals cuolpabels.



# WALD- UND WEIDEORDNUNG

## Weisung an die Dorfbevölkerung, Feriengäste und an das Militär

Gestützt auf Art. 10 der Verordnung über das Begehen von Wiesen und Feldwegen der (bisherigen) Gemeinde Zernez und auf Art. 13 der ehemaligen Gemeinde Lavin erlässt die Gemeinde Zernez folgende Bestimmungen:

1. Das Begehen der Mähwiesen zu Fuss und mit Fahrzeugen ist wie folgt verboten:  
in der Fraktion **Lavin** ab **15. April 2024**  
in der Fraktion **Susch** ab **22. April 2024**  
in der Fraktion **Zernez** ab **29. April 2024**  
in der Fraktion **Brail** ab **06. Mai 2024**
2. Fussgängern ist es nicht gestattet die Wiesen zu betreten, ausser auf den hierfür gekennzeichneten Geh- und Wanderwegen; das Befahren und Parkieren jeglicher Art von Fahrzeugen auf den Wiesen ist untersagt.
3. Während der Vegetation ist jeglicher Verkehr mit **Velos, Pferden** und **Motorfahrzeugen** auf den Feldern und Wiesen des Gemeindegebietes untersagt.
4. Auf dem gesamten Gemeindegebiet stehen genügend Sammelstellen für Hundekot (Robidog) zur Verfügung. Der Gemeindevorstand hält Hundebesitzer dazu an, diese auch zu benutzen. Vor allem entlang von Wanderwegen und auf Mähwiesen muss der Kot aufgelesen und im nächsten Depot entsorgt werden.
5. Für das Befahren von Wald- und Feldwegen gelten die entsprechenden kommunalen Reglemente bzw. die vom Gemeindevorstand beschlossenen Übergangsbestimmungen. Vom Früh- bis in den Spätsommer hinein stellen wir einen vermehrten Motorfahrzeugverkehr auf den Wald- und Feldwegen fest. Demzufolge werden die Dorfbevölkerung, unsere Feriengäste und das Militär ersucht, bei Befahren erwähnter Wege die Geschwindigkeit den jeweiligen Verhältnissen anzupassen (**max. 30 km/h**). Obgenannte Weisungen sind auch bei eventuellen Wildbesichtigungen in der näheren Dorfumgebung verbindlich und sollten demnach strikte eingehalten werden.

Wald- und Feldwege werden unter Berücksichtigung der aktuellen Schnee- und Lawinensituation wie folgt für den Verkehr **freigegeben**:

In den Fraktionen **Lavin** und **Susch** ab **25. März 2024**

In den Fraktionen **Zernez** und **Brail** ab **01. April 2024**

**Ab diesen Daten können die mit einem Fahrverbot versehenen Wald- und Feldwege wieder mit einer gültigen Vignette befahren werden. Vignetten können beim Gemeindehaus bezogen werden. Allfällige kurzfristige Änderungen werden auf dem digitalen System der Gemeinde Zernez publiziert.**

**Während des Monats April bitten wir den aktuellen Strassenzustand (Nässe) zu berücksichtigen und nicht mit schweren Fahrzeugen zu befahren.**

6. Tierfutter, welches nicht mehr an das Vieh verfüttert werden kann (Silo, Heu usw.) darf weder innerhalb noch ausserhalb der Gemeinde zur Wildfütterung ausgestreut werden. Dieses Futter muss auf einer hierfür vorgesehenen offiziellen Deponie oder dann bei der Biogasanlage Philipp Grass in Zernez entsorgt werden.
7. Die Drähte der mobilen Zäune (Elektro, Draht, usw.) gefährden im Winter das Wild. Daher sind solche mobilen Zäune immer bis Mitte November zu entfernen.
8. Bei Verstoss gegen diese Regelung werden, nebst der Verpflichtung zu vollem Schadenersatz, Bussen bis zu CHF 5'000 erlassen.